



Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

26. Ad Passionis Christi participationem, & honorem Crucifixi omnibus
Christi pervigiliis pane dumt axat, & aqua jejumat, Thomas Sanchez,
Hispanus.

Nutzungsbedingungen

[urn:nbn:de:hbz:466:1-55449](https://nbn-resolving.org/urn:nbn:de:hbz:466:1-55449)

mini pervenerat sub auroram xv. Kal. Octob. quæ ei ortus haud dubiè lucis lætissimæ fuit: cum simul obscurari oculis cæpit, ut in cælo videns efficeretur; simul loqui desijt; pauloque post nullo signo pavefactus, & sine depravatione vultus, tranquillissimè defecit; unâ horâ circiter post exorientem solem. Anno M.DC.XXI. cum ei deessent dies x. & vii. ut attingeret annum vitæ octogesimum, Feria VI. in quam incidit anniversaria celebritas STIGMATVM Sancti Francisci: per omnia sortitus exitum, qualem optaverat.

Silvester Petra-Sancta, in vita Bellarmini, lib. 7. cap. 2.

VI.

AMATOR CRUCIFIXI.

Ad Passionis Christi participationem, & honorem Crucifixi, omnibus Christi pervigilijs pane dumtaxat & aqua jejunat.

26.
THOMAS
SANCHEZ
Hispanus.

NON nominabitur facilè aliquis ex magnis ævi nostri Theologis, qui superaverit THOMAM SANCHEZ Cordubensem, ut in dotibus ad consummatissimum Imperatricis illius disciplinæ Doctorem pertinentibus, ita in officijs ad ferventissimum CRUCIFIXI Amatorem

IMITATRIX CRUCIFIXI. 47

rorem spectantibus, illæ alibi commendantur: ista hujus sunt loci, ut intelligatur, quàm bene convenient in Religioso Societatis IESU, indefessum litterarum Studium, subtilissimum ingenium, acerrimum iudicium, exquisitissima doctrina, docendi facilitas & perspicacitas haud vulgaris, quæ fuerunt ornamenta Sanchezij, cum inexhausto desiderio voluntarias de se pœnas, ad honorem CHRISTI PASSI exigendi. De eo enim hæc accepimus à domesticis.

THOMAS SANCHEZ eâ fuit in seipsum severitate, ut quicquid de eâ dixeris, infra rem ipsam videri possit. Homo vitæ purissimæ innocentissimeque actæ, & nulla unquam graviore labe taminatæ, tenuissima valetudine, decem quotidie, duodecim-ve horas contentè, & jejunos quidem ad studia incumberebat, & ad extremum simul spiritum in rigidissima carnis maceratione, in victu cultuque imprimis horrido & aspero, in vigilantissimâ sui custodiâ in abnegatione sensuum incredibili, in egregiâ denique exhausti corpusculi victoriâ constantissimè perduravit.

Quater in hebdomade pane tantum & oleribus vitam tolerabat. Tota Quadragesima & Adventu ad panem nihil præter legumina & fructus aridos adhibebat. Pervigilijs CHRISTI Domini
& B.

& B. Virginis pane dumtaxat & aqua jejunabat. Salem, piper, acorem, & cetera ciborum condimenta omnino respuebat: ne ipsa quidem elixa olera satis ex se insipida, oleo aut aceto condiebat. Mensæ verò accumbebat, alternis semper pedibus à terrâ sublati ne quid otij sibi daret à vexatione.

Propensissimus erat animo in SANCTISSIMUM SACRAMENTUM, in IESUM CRUCIFIXUM, & in MARIAM Virginem. Hos habebat ternos Amores: hæc in omnem hostem præsidia. His alijsque virtutum ornamentis dignus cælo factus, pleuritide primum tentatus, mox symptomate lethargico oppressus brevi confectus die XIX. Maij, Anno salutis M. DC. X. ætatis LX. ineunte, ab initâ Societate Granatæ expiravit.

Patres Collegij Granatensis Præfatione in Opus morale de decem Præceptis Ecclesiæ.